


中国小说史料丛书

潜 辞

沈起凤 ● 著



人民文学出版社

中国小说史料丛书

替 铎

沈起凤 ● 著

乔雨舟 ● 校点



人民文学出版社
一九九九年·北京

(京)新登字 002 号

图书在版编目(CIP)数据

谐铎/(清)沈起凤著;乔雨舟校点. - 北京:人民文学出版社,1999.1

(中国小说史料丛书)

ISBN 7-02-002866-7

I. 谐… II. ①沈…②乔… III. 笔记小说-中国-清代
IV. I242.1

中国版本图书馆 CIP 数据核字(98)第 36072 号

人 民 文 学 出 版 社 出 版

(100705 北京朝内大街 166 号)

北京市人民文学印刷厂印刷 新华书店发行

字数 134 千字 开本 850×1168 毫米 1/32 印张 6.5 插页 2

1985 年 1 月北京第 1 版 1999 年 1 月北京第 1 次印刷

印数 1—8000

定价 9.40 元

目 录

卷 一

狐媚	1
虎痴	2
鸡谈	4
獭祭	5
蚁封	6
龟鉴	7
兔孕	9
雉媒	11

卷 二

屏角相郎	15
笔头减寿	17
讨猫微	20
祭蠹文	21
隔牖谈诗	22
垂帘论曲	24
考牌逐腐鬼	26

妙画代良医	28
-------------	----

卷 三

娇娃皈佛	30
穷士扶乩	32
老面鬼	38
遮眼神	38
烧录成名	39
读书貽笑	41
镜戏	42
帖嘲	44
一钱落职	45
两指题旌	46

卷 四

酒戒	48
色戒	49
财戒	51
气戒	52
侠妓教忠	54
雏伶尽孝	55
丐妇殉节	56
营卒守义	58
桃夭村	59

荆棘里	61
-----------	----

卷 五

恶钱	63
奇婚	65
泄气生员	68
换形乞丐	69
菜花三娘子	70
草鞋四相公	72
讼师说讼	73
名妓沽名	74
泥傀儡	76
石麒麟	76

卷 六

上清宫除妖	78
森罗殿点鬼	79
苏三	80
葛九	82
奇女雪怨	83
达士报恩	85
梦中梦	86
身外身	88
香粉地狱	89

面目轮回	91
能诗贼	93
识字犬	94

卷 七

有根女	96
无气官	96
鬼妇持家	98
鄙夫训世	101
虫书	102
兽谱	105
黑衣太仆	106
巾幗幕宾	107
鲛奴	109
犬婢	110

卷 八

棺中鬼手	113
镜里人心	114
孟婆庄	115
十姨店	116
车前数典	122
骡后谈书	123
死嫁	125

生吊	126
术士驱蝇	127
壮夫缚虎	128

卷 九

嘲吴蒙	130
赛齐妇	131
村姬毒舌	133
醢妇冰心	134
地师身后劫	136
节母死时箴	137
顶上圆光	138
眼前杀报	140
脑后淫魔	142

卷 十

道人神相	144
和尚婆心	145
螭蛄郡	146
蜣螂城	149
鬼嫖	151
神赌	152
梦里家园	153
命中姻缘	155

臭柱	156
----------	-----

祥鴞	157
----------	-----

卷十一

老僧辨奸	159
------------	-----

青衣捕盗	160
------------	-----

正士驱邪	161
------------	-----

恶客除淫	162
------------	-----

芙蓉城香姑子	164
--------------	-----

扫帚村钝秀才	165
--------------	-----

三杖惩奴	167
------------	-----

片言保赤	168
------------	-----

盗师	169
----------	-----

鬼婿	171
----------	-----

书神作祟	172
------------	-----

病鬼延医	174
------------	-----

卷十二

南部	176
----------	-----

北里	177
----------	-----

贫儿学谄	178
------------	-----

才士惩骄	179
------------	-----

卜将军庙灵签	180
--------------	-----

况太守祠贻梦	181
--------------	-----

怕婆县令	182
捣鬼夫人	183
吕仙宝筏	184
大士慈航	186
奎垣真像	187
天府贤书	188

附 录

一 藤华榭本原序

韩藻序	190
殷星岩序	190

二 广百宋斋本增序

钱湘舄序	192
------------	-----

三 乾隆壬子本增刊序跋

王昶序	193
黄桂芳跋	193
马惠跋	194
沈清瑞跋	195

校点后记	196
------------	-----

卷一

狐媚

平阳范氏废园，故多狐。有宁生者，性狷介，日淫于书。因暑月懊闷，假园亭以憩。友劝阻之。宁笑曰：“是何伤？狐所挟以媚人者二：贪淫者，媚以色；贪财者，媚以金。我两无所好，惟好架上书。媚术虽工，遇我亦不售矣。”友漫应而去。

饭后，卧北窗下，见女子从屏后出。宁心知其狐，假寐以伺。女指架上书，輶然曰：“名教中自有乐地。是儿独学寡闻，将为勤学死。”宁起叱曰：“骚野狐！曳尾遁耳，敢妄言！”女亦叱曰：“田舍奴！我岂妄哉？汝果读书明理，当知我家祖德宗功，何敢妄为讥议？”宁曰：“凭城作祟，假虎树威，汝辈长技耳。祖德宗功安在哉？”女曰：“汝日读书，而不知大禹娶涂山之事乎？绥绥庞庞，昌都成室，是祖德也。有商之季，移家西海。适文王遭羑里之囚，散宜生访先人于敝庐，脱青翰以解之。赫赫宗功，垂诸史册，子何未之深考？”宁曰：“是诚有之。但汝辈篝灯弄獠，卧榻宣淫，终非善类。”女曰：“死则正邱，大圣犹美其仁；穴则知雨，汉儒尚钦其智。况有形九尾，德至乃来；《山海》名经，言之凿凿。汝诚读书而未得其解耳！”宁凝想久之，肃然致敬曰：“始吾以汝等为不足齿之伦，今闻高论，愿为书友。”女笑诺之。晨涂暝写，日共校仇。

偶坐荷亭点《周易》，女忽问曰：“有天地一章作何解？”宁曰：

“上言‘离’者，‘丽也’。丽则男女交感，宜受之以‘咸’。而‘咸’不可言受，故复从天地说到夫妇之道，而受之以‘恒’。”女笑曰：“然则男女交感，圣人所讳言乎？”宁曰：“然！”女曰：“男女构精，万物化生，又何说也？”言毕，星眸斜睇，杏靥微红。宁魂摇志夺，应声而答曰：“卿有意乎？请卜诸《易》。”女随手占得“未济”。宁曰：“‘未济’征凶，事不谐矣。”女曰：“小狐濡尾，虽不当位，刚柔应也，何害？”宁惑之，自此遂同寝处。

不半月，神疲气殆，渐不可支。友过而诘之，宁百方自讳。入夜女来，宁以病告。女曰：“君著书辛苦，故日就羸瘠。文园善病，安知不因《封禅》一书？不然，茂陵姬且未聘，何由得消渴疾哉？”宁深以为然。遂摒弃丹铅，日与女团坐一室。

又匝月，病体益深，沉绵床褥。友复过之，宁渐吐其实。友叹曰：“君中媚人之上策矣！以色媚人者，色衰则爱弛；以金媚人者，金尽则交绝。惟阳窃君子之行，阴播小人之譎，择所好而投之；媚之术愈变，而媚之毒愈长矣！”宁懔然悔悟。友急唤舆人，星夜舁归于家，女亦遂绝。越半载，宁病瘵死。遗书散佚，后不可考。

铎曰：“此朱门上客一面照心镜也。打破天下人多少衣钵，亦是我辈大罪过处。”

虎 痴

秦川女子霍小嫖，有殊色。父与豪右某争田界，以他事诬诸

官，竟毙于狱。母痛哭曰：“家无男子，谁为父复仇者？恐白骨冤埋，终作千秋黑狱矣！”女含涕而进曰：“儿不肖，髻龄稚齿，不能作赵家娥。有得仇人而杀之者，儿愿执箕帚事之。”母鉴其诚，日以其言祷诸西山之麓。

一日，闻某入城祝县令寿，路出西山，虎突起于前，啗喉而毙。母女方额手庆，忽一虎曳尾而来，径登堂上。母女变色却走。虎徘徊瞻眺，殊无恶意。母阖扉而语曰：“今日杀某于道者，非汝也耶？”虎颌之。母曰：“蒙君仗义，雪我前仇。荧荧母女，定当香花顶礼，用酬大德。未识降临玉趾，意欲何为？”虎怒目而视，似憎其爽约者。母曰：“汝以我食言耶？息壤在彼，本宜敬将幼女侍奉裳衣。但起居寝食，彼此道殊，安得竟成伉俪？况我年近桑榆，家无兰玉，方将倚婿为活。汝为地下人报怨，独不为未亡人施德乎？谨陈衷曲，乞赐矜全。”虎闻其语，神调气丧，垂头欲出；而一步九顾，依依不舍。女慷慨而前曰：“君且住。妾有一言，幸垂明听。妾前以身相许，岂敢昧心。想衾裯之共，君亦知其不可。如不忘旧约，当扫除一室，与君终身相守，存夫妇之名可也。”虎首肯再三，欣然嘉纳。

女乃导虎入帷，营菟裘于绣榻之旁。食则同牢，居则同室。女晨起理妆，虎必潜身衾次，侧目偷窥。夜俟女卸装登床就寝，始伏于床下，竟夕不寐，恐以鼾声扰其清梦也。有时甘旨不给，则衔鹿脯以进。或抱小恙，焦思躁急，盘旋室内者无停趾。病愈，始欢跃如初。女习以为常。而母氏因年迈无依，时咎女之失计，而遇虎礼貌亦衰。虎一夕竟去。

母欲为择婿。女曰：“背德不祥，负恩非福。况女子以心许

人，岂必作形骸之论哉？”执不允。后女以郁疾死，停尸堂上。虎忽嗥哭而来，泪下如雨，送殓者皆见之。继埋玉于祖茔之侧。虎一日巡视者三。春秋令节，辄衔山果以奠。越三载如一日。母贫乏不能自活，虎犹日取山獐野兔，存恤其家云。

铎曰：“有情痴者，必无傲骨。虎而痴，是失其虎性矣。然一言不合，掉头竟去，不依然虎性之难驯乎？痴而能傲，是为真傲；傲而能痴，是为真痴。”

鸡 谈

吴郡娄门外鸡坡，吴王牧鸡处也，至今居人以养鸡为业。有祝翁者，豢雌雄两头。一夕，闻墙下喧呶不已，怪而听之。

闻雄者曰：“尔我蒙主人豢养，数米而食，凿垣而栖，有何不乐？而胶胶膊膊，终夕絮聒？”雌者曰：“我怪汝喜则宛颈，惮则断尾，全无一点丈夫气。而犹绛冠金距，骄人昏夜，能不使人气愤？”雄者曰：“夫不雄飞，妻终雌伏。汝何所长，而翹我短处？”雌者曰：“堂上争虫，笼中抱卵，成家之道，舍我其谁？况秦穆公得我而霸诸侯，百里奚仗我而邀富贵。汝惟与宋处宗辈，作窗下清谈；否则沟畔涂膏，镜中学舞。恐曹阿瞞弃之不惜，尚得牛刀一试，冀他年大用也哉？”雄者曰：“汝真所谓但知雌守，未覩雄风者也。我所以胜于若辈者，全在一鸣惊人耳！祖逖闻我而着先鞭，燕丹效我而脱奇祸。至于齐宫惊梦，用佐贤名；楚子乘车，不愆兵法。奇功伟烈，炳耀千秋。此田饶以夜不失时，尊予为五德之

冠。汝牝不司晨，又安知我为一世之雄乎？”雌者曰：“君以为雄，谁敢不雄？自今以后，请先子而鸣。”雄者曰：“惟家之索，恐操刀者随其后矣。阴乘阳位，非以获福，实阶之祸耳！”雌者曰：“尔勿言。我先声一夺，当使望气者尚求其雌，而天下群雄闻风却步矣！”雄者竦然而退。

自此雌者无夕不鸣。家人以为不祥，杀而烹之。祝翁叹曰：“翰音登天，何可长也。况其位之不当乎！罹于凶也宜矣。”

铎曰：“《太玄经》有云：‘雌鸡晨鸣，雄鸡宛颈。’阳衰阴盛，其积渐使然耶？愿天下处闺房者，持予雄辩，压彼雌风；毋柔声下气，养同木鸡也。”

獭 祭

大江之滨，有灵物焉，其名曰獭。一日，游于北岸，遇林中之鸕集于磐石，相聚而语。鸕曰：“君善捕鱼，我善捕雀。而雀之见我者，往往惊音骇翼，电流星散，以至十不获一。不知君观鱼濠上，能聚族而歼否？”獭曰：“鱼之畏我，犹雀之畏君耳，岂尽恶生乐死，而愿入枯鱼之肆者？”鸕曰：“吾闻君驱之使去，复招之使来，操何神术而能若此？”獭曰：“世传我别有一手，如道家役鬼之法者，妄也。虎有钩爪，犀有骇角，狐有媚珠，猯有脆骨，皆志怪者所附会。造物仁慈，方使予角者去其齿，予翼者两其足，肯令我辈添牙益爪，穷两间之物类乎哉？”鸕曰：“然则奈何？”獭曰：“我所以驱之复来者，因取之时，未尝过戕其类，坐而逸获，若出

于不觉也者；彼以为无患而过我，于是取之不尽，用之不竭。此欲擒故纵，欲贪故廉之说也。”鸱曰：“君言是矣。但鸟之狡，有甚于鱼者。鱼性最驯，不过随波逐流而已；鸟之中，如鸠以妇守，雁以奴巡，杜鹃以倒挂而善防，鹦鹉以能言而巧避，他如雀常入幕，燕必处堂，鸽依佛塔之铃，乌傍贾船之楫，种种机心，弋人何篡？一时决起于前，不于此时尽掩其群，而纵之远逝，不亦悔之晚乎？”獭曰：“君之志则大矣！然何如留无尽之藏，为他日属餍地乎？”言未已，百鸟横空而来。鸱攫得四五头，余皆窜入林中。鸱意不能舍，奋翼逐之。适射生儿潜伺于侧，伏机一发，鸱先贯项而死。獭哀其愚，设祭于江之北岸，招魂而告之曰：“鸢飞戾天，鱼跃于渊。惟我与尔，以杀为田。廉则寡取，贪则同捐。何子不悟，赏恨重泉！吾今辍业，濯手江边。宁枵其腹，勿丧其元。贪人败类，自古皆然。凡百君子，请视此鸱。”

铎曰：“聚族而歼，鸱则毒矣。而欲贪故廉，獭之阴谋更毒也。乃天独报于鸱，而不报于獭。岂咒鱼入钵，佛门所不禁耶，亦江头忏悔之功也？”

蚁 封

吴俗，田房交易，作中者名曰“蚂蚁”。有贾老者，业此三十余年，家小泰。买灶下婢，生一子，乞孝廉褚绍推算之。褚善谑，口多微词，戏之曰：“查令郎英造必大贵，汝当作封翁。”贾老曰：“我辈执业卑微，何得名通仕籍？”褚正色曰：“是不然！古者

蝎号将军，萤称正字，蝶封香国粉侯，蜂擢花台刺史。诸虫皆贵，安见蚁命之独贱乎？况道在蝼蚁，蒙庄羨之。所望蛾子时术之耳。”贾不知其戏，述孝廉语夸示同侪。众举手贺曰：“淳于棼烧到指头香，带挈百万蝼蚁一齐升天矣！”贾大喜，日以封翁自负。

儿性憨，年十八，惟《大学》三页粗能成诵。人问曰：“令郎读《左传》否？”贾曰：“《左传》已熟，今闻读‘右传’矣！”盖日听其诵“右传首章”、“右传二章”故也。儿年二十，顽钝如初。贾恐前言不验，复质诸褚孝廉。褚笑曰：“虽有贵命，何其速也？蚁五年而黑，十年而赤，三十年而白。是有定数，子姑待之。”贾唯唯。后儿日荒于赌，渐至废学。

会八旬寿诞，众客登堂称祝，褚亦在座。贾复理前说。褚曰：“君头衔已贵，何必倚佳儿博封诰哉？”贾问何衔。曰：“中人科中人，升卖田司主事，外擢合同府知府，例封文契郎，晋封草议大夫。”众客哄堂，子亦匿笑。褚曰：“汝他年得叨父荫，不作茶馆大使，亦当作交易府录事也。”贾始悟其戏，而封翁之想乃绝。

铎曰：“吴人消官卑者曰‘蝼蚁大前程’，然毕竟前程亦从蝼蚁上来也。岂必《西京记》中势通馆阁，《南柯梦》里贵埒侯王，始识前言之非戏哉？贾老之不验，殆所谓蚁慕羊肉，羊肉不慕蚁耳！漆园吏之言，更刻于褚子。”

龟 鉴

九江某，以风鉴起家，求田问舍，富甲一郡。同业者争谒